



Pravobranilaštvo Bosne i Hercegovine  
 Правобранилаштво Босне и Херцеговине  
 Pravobraniteljstvo Bosne i Hercegovine

Office of the Attorney General of Bosnia and Herzegovina

Broj: 01-1-10-P BiH -355/11  
 Sarajevo, 7.03.2012 god.

PRIMLJENO: 19.03.2012			
Organizaciona jedinica	Klasifikaciona oznaka	Redni broj	Broj priloga
01-50-1-15-19/12			

BOSNA I HERCEGOVINA  
 PARLAMENTARNA SKUPŠTINA  
 BOSNE I HERCEGOVINE  
 ZASTUPNIČKI/ PREDSTAVNIČKI DOM

**Predmet: Odgovor na poslaničko pitanje**

**Veza: Vaš akt broj: 01/a-50-1-15-19/12 od 25.01.2012 godine**

**Poštovani,**

Na postavljeno poslaničko pitanje koje je postavio poslanik Beriz Belkić na 19.sjednici Predstavničkog doma Parlamentarne skupštine Bosne i Hercegovine održane 19.januara 2012 godine, slijedeće sadržine:

„ Da li je Pravobranilaštvo BIH postupilo po zaključku Predstavničkog doma Parlamentarne skupštine BIH donesenom na 14.sjednici od 24.11.2011 godine kojim se Pravobranilaštvo poziva da nastavi sa knjiženjem državne imovine u korist države BIH“ dajemo slijedeći

**ODGOVOR**

U „Informaciji Pravobranilaštva BIH o sprečavanju ove institucije da obavlja svoje funkcije u skladu sa Zakonom“ koja je usvojena na 14.sjednici Predstavničkog doma Parlamentarne skupštine BIH održanoj 24. novembra 2011 godine, na vrlo detaljan način smo ukazali na naše aktivnosti kada je u pitanju implementacija Aneksa A. Sporazuma o pitanjima sukcesije. U odnosu kada je informacija pisana do dana kada je razmatrana i usvojena nije bilo nikakvih pomaka u smislu donošenja i izmjena postojeće pravne regulative, koja reguliše ovu materiju odnosno donošenja propisa na osnovu kojih se vrši implementacija Sporazuma o pitanjima sukcesije.

Stav sudske prakse je da Aneks A. Sporazuma o pitanju sukcesije nije pravni osnov za sticanje vlasništva, odnosno za upis promjene podataka u zemljišnim knjigama-promjene vlasnika titulara. Sudovi u Bosni i Hercegovini odbijaju naše zahtjeve jer nije ispoštovan član 3. stav 2. Zakona o zemljišnim knjigama (Službene novine FBiH broj 19/03) u kojem stoji da uz zahtjev za upis treba priložiti i dokaznu dokumentaciju na kojoj se zahtjev temelji. Znači da sudovi neprihvataju da je osnov za uknjižbu Aneks A. Sporazuma o pitanjima sukcesije. Stoga, ne možemo pristupiti realizaciji zaključka pod rednim brojem 1.

Što se tiče zaključka pod rednim brojem 2. Pravobranilaštvo Bosne i Hercegovine ne raspolaže podacima na osnovu kojih može izvršiti uknjižbu vojne perspektivne nepokretne imovine iz prostog razloga što svi to znamo da se čeka sporazum, odnosno politički dogovor kojim bi se utvrdile lokacije koje se trebaju knjižiti na Bosnu i Hercegovinu sa pravom korištenja na Ministarstvo odbrane BIH. Sve dok se ne utvrdi broj tih lokacija, odnosno ne izvrši indentifikacija

*nepokretne vojne imovine i ne dostavi imovinskoppravna dokumentacija potrebna za uknjiženje, Pravobranilaštvo ne može raditi na realizaciji zaključka pod rednim brojem 2.*

*Napominjemo da smo upoznali kolegij Predstavničkog doma u vezi sa zaključcima.  
**S poštovanjem,***

